

## Quartus Physicorum

est ergo est in hoc instanti nec e contra sequitur hoc non est in hoc instanti: ergo hoc non est nec enim sunt opposita esse et non esse in hoc instanti si primo modo intelligatur falsa est propositio que dicit quod nulla pars temporis est. si secundo est vera et eodem modo conceditur quod tempus non est. non enim est in hoc instanti nisi in anima et intellectu. Nulla predictarum responsionum est sufficiens non prima quidem quod primo sic patet sumo aliquod tempus quod dicitur esse et sit a et sit eius pars preterita b et pars futura sit c. et instans continuans istas sit d cum igitur a non sit alia res preter b c d. simul ut suppono aut si sit aliqua alia sit illa f. nec variatur propositum quoniam tunc a supponit pro eisdem pro quibus supponunt omnia illa simul arguitur sic a est igitur b c d sunt consequentia declarata in simili inducendo nam sequitur hec domus est igitur hic paries et hoc tectum et hoc fundamentum sunt demonstratis partibus illius domus demonstrate. Similiter sequitur hic homo est igitur hoc corpus et hec anima sunt. Similiter in continuo sequitur hoc bicubitum est ergo hic cubitus et hic cubitus sunt demonstratis illis qui sunt partes eius et vniuersaliter a termino supponente pro aliquo toto ad omnes terminos supponentes pro partibus illius respectu esse existere est necessaria consequentia affirmatiue et de presenti: sed ultra sequitur b. c. et d. sunt igitur b est et similiter sequitur c est et vtrumque est falsum quoniam b est preteritum. et non est c est futurum et etiam non est. Confirmatur quia non obstante quod materia que erit pars antichristi actu est quia tamen eius anima non est: quia antichristus supponit tam pro materia quam pro forma bene sequitur anima antichristi non est igitur antichristus non est et ex pluribus causis hoc ipsum consequens esset verum et posset inferri si nec etiam materia esset ita in proposito ex pluribus causis vere dicitur a non est quod dicatur antichristus non est quod tamen quilibet sane mentis concedit. Nec valet dicere quod hec vera sunt de permanentibus non autem de successiuis tum quia pari facilitate posset alius dicere quod ita esset etiam de permanentibus et concedere quod aliqua domus est cuius paries est preteritus et tectum est futurum et fundamentum est presens nec hoc fortius quam id poterit reprobari: tum quia pro qualibuscunque rebus termini supponent dum modo vniuersaliter supponat precise pro eisdem pro quibus alii supponunt impossibile est de isto affirmare vere existere pro propositionem de inesse et presenti et ab illis negare. Quis econuerso non semper sit consequentia simplex ut puta quando nomen totius significat partes determinato modo se habentes verbi gratia coniunctas vel componentes sicut hoc nomen homo significat animam et corpus inuicem componentes non sic autem eas significant nomina partium. Secundo contra eandem solutionem si nomine partis significetur aliquid quod tale compositum sequitur quod nullum tempus est presens: igitur nullum tempus est: prima consequentia patet: quia nullum presens diuiditur in preteritum et futurum: unde augustinus in confessi. ait. quod si quid intelligitur temporis quod in nullas iam vel minutissimas momentorum partes diuidi possit id solum est quod presens dicatur quod cum ita reaptum a futuro in preteritum transuolat: ut nulla morula extendatur: nam sic extenditur diuiditur in preteritum et futurum presens aut nullum habet spatium hoc ipse. Ex hac autem consequentia Augustini videlicet si aliquid tempo-

ris est presens ipse est indivisibile sequitur quod hec est vera nullum presens diuiditur in preteritum et futurum et per consequens nullum tempus est presens alioquin aliquod tempus non habet partem priorem et posteriorem. Secunda consequentia probatur si enim sunt futura et preterita volo scire ubi sunt et notum est quod vbiunque sunt ibi sunt presentia: quia si futura sunt tamen non sunt.

Secundo arguitur ad idem si ad esse successiuorum sufficit aliquas partes esse preteritas et aliquas futuras sequitur quod aliquod totum constat partialiter ex his que nihil sunt. Item quod nichil est non potest alicui continuari: sed tempus preteritum nichil est: et non continuatur cum futuro. Dicendum quod illud quod aliquando fuit potest alicui continuari. Contra sequeretur quod albedo corrupta posset continuari alteri. Item tempus preteritum nunquam potest esse presens ergo nichil constituit: nichil enim constituitur ex impossibilitibus.

Tertio si ad tempus esse presens sufficeret continuatio per instans sequeretur quod nunc essent mille anni presentes: quia totum tempus preteritum infinitum secundum philosophum continuatur cum tempore futuro. Item impossibile est tempus esse sine substantia: ergo non distinguitur ab ea tenet consequentia: quod cum deus sit omnipotens libere agens ad extra sequitur quod se solo potest quamlibet rem immediate producere.

Quarto secluso tali accidere adhuc for. potest vel locus moueri quam plato et in minori tempore saltem a deo: ergo superfluum est ponere tale accidens. Item si tempus est accidens vel est diuisibile vel indivisibile. Forte dicitur quod diuiditur ad subiecti diuisionem sicut in motu cuius est pars. Contra sequitur quod plura tempora sunt simul. Si dicas quod est indivisibile: et vnum non continuatur alteri. Si dicas quod diuiditur secundum prius et posterius et sic etiam continuatur. Contra preteritum specie distinguitur a presente: ergo non continuatur sibi.

Quinto arguitur ad idem vel omnia tempora sunt eiusdem speciei vel non si secundum: ergo in principio anni incipiunt infinita accidentia specie distincta scilicet annus mensis dies: et sic in infinitum diuidendo. Item sequeretur quod nunc in celo essent infinita accidentia specie distincta et due quantitates scilicet annus dies et infinite partes eius. Item tempus preteritum quando erat presens non distinguebatur specie a presente: ergo nec modo et hoc expressit dicit philosophus. 7. phys. t. c. 36. Si primum sequeretur quod hora posset tam diu durare sicut annus: quia est eiusdem speciei. Item sequeretur quod predicamentum quando non esset genus: quia omnia tempora sunt eiusdem speciei: ergo et omnia quando que relationes que sunt ad terminum eiusdem speciei sunt eiusdem speciei. Item corruptibile et incorruptibile differunt generis: aliquid tempus est eternum et incorruptibile secundum philosophum aliquid autem non igitur. Item tunc duo accidentia eiusdem speciei essent simul eodem in subiecto: quia dies et hora sunt nunc in celo. Item si annus distingueretur a celo: ergo ad preteritum est potentia: quia heri fuit verum dicere annus est. et tamen nunc deus potest facere quod iste annus nunquam fuerit ponendo quod celum designat moueri et per idem posset probari quod annus sit hora si de post primam horam annihilaret residuum temporis. Item tempus habet sub se specie scilicet annus ergo